



Ípaka fasteignir ehf.

Verðbréfalýsing ITHAKA 070627

9. ágúst 2022

Umsjónaraðili með gerð lýsingar

Íslandsbanki hf.



# Efnisyfirlit

1.	Áhættupættir	2
1.1.	ALMENNT ÁHÆTTA TENGD FJÁRFESTINGU Í SKULDABRÉFUM	2
1.2.	ÁHÆTTA TENGD SKULDABRÉFAFLOKKNUM	3
1.2.1.	Endurgreiðsluáhætta	3
1.2.2.	Áhætta tengd veðandlagi skuldabréfaflokksins	3
1.2.3.	Markaðsáhætta	4
1.2.4.	Vaxtaáhætta	4
1.2.5.	Verðtryggingaráhætta	4
1.2.6.	Seljanleikaáhætta	4
1.2.7.	Uppgreiðsluáhætta	4
1.2.8.	Áhætta vegna skilmálabreytinga	5
1.2.9.	Uppgjörsáhætta	5
1.3.	LAGALEG- OG SKATTALEG ÁHÆTTA	5
2.	Upplýsingar um skuldabréfin	6
2.1.	ALMENNT UM ÚTGÁFUNA	6
2.2.	HEIMILD TIL ÚTGÁFUNNAR	6
2.3.	SKILMÁLAR OG SÉRSTÖK SKILYRÐI SKULDABRÉFAFLOKKSINS	6
2.3.1.	Skilgreiningar í tengslum við skuldabréfin	6
2.3.2.	Skilmálar skuldabréfsins	7
2.3.3.	Sérstök skilyrði skuldabréfaflokksins ITHAKA 070627	14
2.3.4.	Skipulag greiðslna og áætlað sjóðstreymi útgefanda	16
2.3.5.	Önnur lánsfjármögnun útgefanda	17
2.3.6.	Vextir og hlunnindi	17
2.3.7.	Lagarammi	17
2.3.8.	Skattheimta	17
2.4.	TAKA SKULDABRÉFANNA TIL VIÐSKIPTA Á SKIPULEGUM VERÐBRÉFAMARKAÐI	18
2.4.1.	Kostnaður vegna töku til viðskipta	18
2.4.2.	Tilgangur með töku skuldabréfanna til viðskipta	18
3.	Veðandlagið	19
3.1.	LEIGUTAKAR OG LEIGUSAMNINGAR	20
3.2.	AÐILAR ÚTGÁFUNNAR	21
4.	Tilkynning til fjárfesta	22
4.1.	UMSJÓNARAÐILI ÚTGÁFUNNAR OG TÖKU SKULDABRÉFANNA TIL VIÐSKIPTA	23
4.2.	HUGSANLEGIR HAGSMUNAÁREKSTRAR	23
4.3.	UPPLÝSINGAR FRÁ ÞRIÐJA AÐILA	23
4.4.	ÁSTÆÐA ÚTGÁFUNNAR OG RÁÐSTÖFUN ANDVIRÐIS HENNAR	23
4.5.	STAÐFESTING AF HÁLFU FJÁRMÁLAEFTIRLITS SEDLABANKA ÍSLANDS	23
4.6.	YFIRLÝSING ÁBYRGÐARAÐILA VERÐBRÉFALÝSINGAR FYRIR HÖND ÚTGEFANDA	24

# 1. Áhættupættir

Þessi verðbréfalýsing Íþöku fasteigna ehf., kt. 450613-2580, Lynghálsi 4, 110 Reykjavík (hér eftir ýmist nefnt „Íþaka“, „félagið“ eða „útgefandinn“), er dagsett 9. ágúst 2022 og varðar umsókn útgefanda um töku skuldabréfaflokksins ITHAKA 070627 (hér eftir ýmist nefnt „skuldabréfin“ „skuldabréfaflokkurinn“ eða „flokkurinn“) til viðskipta á skipulegum markaði Nasdaq Iceland hf., kt. 681298-2829, Laugavegi 182, 105 Reykjavík (hér eftir „Nasdaq Iceland“).

Hér á eftir er lýst þeim áhættupáttum sem Íþöku er kunnugt um og telur skipta máli varðandi skuldabréfaflokkinn ITHAKA 070627 (hér eftir ýmist nefnt „skuldabréfin“, „skuldabréfaflokkurinn“ eða „flokkurinn“) þannig að meta megí markaðsáhættuna sem tengist skuldabréfunum. Umfjöllun um þá áhættu sem útgefandi telur eiga sérstaklega við um félagið og þá atvinnugrein sem félagið starfar innan má finna í kafla 1 *Áhættupættir* í útgefandalýsingu félagsins dagsettri 9. ágúst 2022.

Með framsetningu og uppröðun þeirra áhættupátta sem hér er fjallað um er leitast við að telja fyrst upp alvarlegustu áhættupættina að mati útgefanda, að teknu tilliti til neikvæðra áhrifa á skuldabréfin og líkana á að þeir raungerist. Afmörkun getur verið með ýmsu móti og þá er hægt að flokka með mismunandi aðferðum. Hér er eftir fremsta megni reynt að gera grein fyrir þekktum áhættupáttum sem hafa áhrif á skuldabréfin svo meta megí markaðsáhættuna sem tengist þeim.

Ekki er víst að hér sé fjallað um alla þá áhættupætti sem gætu haft áhrif á skuldabréfin í framtíðinni, því áhættupættir sem álitnir eru óverulegir í dag gætu þróast á þann veg að þeir hafi veruleg áhrif síðar. Eins gætu komið fram nýir áhættupættir í framtíðinni sem ekki eru þekktir í dag. Sá möguleiki er því fyrir hendi að útgefandi geti ekki staðið við skuldbindingar sínar vegna annarra þátta en þeirra sem hér eru taldir upp og teljast því ekki til áhættu.

Fjárfesting í skuldabréfum Íþöku felur í sér áhættu. Virði skuldabréfanna getur hækkað eða lækkað. Fjárfestar geta tapað virði allrar fjárfestingar sinnar í skuldabréfunum eða eftir atvikum hluta hennar. Fjárfestar ættu ætíð að byggja ákvörðun sína um fjárfestingu í skuldabréfunum á eigin skoðun eða óháðri ráðgjöf sem þeir telja viðeigandi. Fjárfestar eru hvattir til að kynna sér vel þá áhættupætti sem lýst er í verðbréfalýsingu þessari og leggja eigið mat á þá áhættu sem kaupin gætu útsett þá fyrir.

Utan þeirra þátta sem getið er í verðbréfalýsingu þessari er félaginu ekki kunnugt um neina stjórnvaldslega, efnahagslega, skattalega eða peningalega stefnu né óvissupætti, kröfur eða skuldbindingar sem hafa eða gætu haft mikilvæg bein eða óbein áhrif á rekstur Íþöku.

## 1.1. Almenn áhætta tengd fjárfestingu í skuldabréfum

Skuldabréf bera markaðsáhættu sem felst í því að virði þeirra getur sveiflast samhliða hreyfingum á ávöxtunarkröfu skuldabréfa á mörkuðum. Ef ávöxtunarkrafa hækkar þá lækkar virði bréfanna og á hinn bóginn ef ávöxtunarkrafa lækkar þá eykst virði bréfanna. Margvísleg atriði geta orðið til þess að breytingar verða á mörkuðum með fjármálagerninga og þá á virði skuldabréfanna, s.s. almennt efnahagsástand, breytingar á vaxtastigi, lagabreytingar, ófyrirséðir atburðir eða áföll. Slíkir atburðir eru utan áhrifasviðs útgefanda. Nánar er vikið að lagaumhverfi því sem um verðbréfin og útgefanda þeirra gilda í kafla 1.3 *Lagaleg og skattaleg áhætta* í verðbréfalýsingu þessari.

Fjárfesting í skuldabréfum felur í sér áhættu. Skuldabréf standa framar í kröfuröðinni en til dæmis hlutabréf, en þrátt fyrir það geta fjárfestar tapað virði fjárfestingar sinnar í heild eða að hluta.

Ekki er hægt að veita tryggingu fyrir því að fjárfesting í skuldabréfum muni reynast arðsöm. Þá skulu væntanlegir fjárfestar einnig hafa það hugfast að þrátt fyrir að fjárfesting í skuldabréfum kunní að skila góðri ávöxtun almennt er sú hættu ávallt fyrir hendi að skuldabréf í einstökum félögum reynist óarðbær.

## 1.2. Áhætta tengd skuldabréfaflokksnum

### 1.2.1. Endurgreiðsluáhætta

Standi útgefandi ekki við skuldbindingar sínar samkvæmt skilmálum skuldabréfanna getur það haft í för með sér fjárhagslegt tjón fyrir fjárfesta. Útgefandi skuldbindur sig til að endurgreiða skuldabréfin á gjalddögum þeirra. Skuldbinding útgefanda er bein og óskilyrt og nýtur tryggingar í veðandlagi skuldabréfanna sem er tilgreint safn fasteigna í hans eigu svo sem nánar er lýst í kafla 3. *Veðandlagið* í verðbréfalýsingu þessari.

Endurgreiðsluáhætta felst í því að útgefandi verði ófær um að greiða af skuldabréfunum á gjalddaga og takist ekki, þrátt fyrir tímafresti til úrbóta, að mæta skuldbindingum vegna þeirra. Til að draga úr slíkri áhættu hefur útgefandi samþykkt skilmála vegna skuldabréfaflokksins sem ætlað er að bæta réttarstöðu skuldabréfaeigenda gagnvart útgefanda. Skilmálarnir innihalda m.a. gjaldfellingarákvæði að undangengnu samþykki að lágmarki 33% skuldabréfaeigenda miðað við fjárhæð<sup>1</sup>, formskilyrði um breytingar á veðandlaginu, bann við veðsetningu leigutekna af þeim eignum sem mynda veðandlagið og kröfu um að tiltekin fjárhagsleg skilyrði séu haldin og þau prófuð með reglubundnum hætti.

Að auki hefur útgefandi samþykkt tryggingaskilyrði fyrir skuldabréfaflokkinn. Samkvæmt þeim getur útgefandi ekki gefið út frekari skuldaskjöi með sömu tryggingum fari veðsetningarhlutfall veðandlagsins við það yfir 70%<sup>2</sup>. Engin gjaldfellingarheimild er þó tengd tryggingaskilyrðunum. Þann 31.12.2021 var veðsetningarhlutfall undirliggjandi veðandlags 66%.

Þá er bent á að útgefanda er heimilt að skipta út eignum í veðandlaginu. Ítarlega er fjallað um öll framangreind sérstök skilyrði skuldabréfaflokksins í kafla 2.3 *Skilmálar og sérstök skilyrði skuldabréfaflokksins* í verðbréfalýsingu þessari.

### 1.2.2. Áhætta tengd veðandlagi skuldabréfaflokksins

Veðandlag skuldabréfaflokksins samanstendur af atvinnuhúsnæði til útleigu. Það felur því í sér áhættu fyrir fjárfesta ef virði framangreindra fasteigna rýrnar en slíkt gæti m.a. gerst vegna lækkandi fasteignaverðs, hærri ávöxtunarkröfu eða neikvæðrar þróunar leiguverðs atvinnuhúsnæðis, þ.m.t. vegna breytinga á framboði slíks húsnæðis. Fjárfestar eru hvattir til að gera eigin kannanir á, afla sér tilhlýðilegra upplýsinga eða viðhlítandi ráðgjafar um fasteignamarkaðinn fyrir atvinnuhúsnæði áður en ákvörðun um fjárfestingu í skuldabréfum úr skuldabréfaflokksnum ITHAKA 070627 er tekin. Útgefandi getur hvorki ábyrgst að virði veðandlags skuldabréfaflokksins né veðhlutfall það sem birt er í verðbréfalýsingu þessari haldist óbreytt. Til þess gæti komið að veðandlagið dugi ekki til greiðslu skuldabréfanna. Nánari umfjöllun um leigutaka og leigusamninga útgefanda er að finna í kafla 3.1. *Leigutakar og leigusamningar* í verðbréfalýsingu þessari.

Almennt efnahagsástand, s.s. hagvöxtur, vaxtastig, verðbólga og gengisskráning hefur áhrif á hvort tveggja virði fasteigna og eftirspurn eftir atvinnuhúsnæði, hvort heldur sem er til kaups eða leigu, og þar með veðandlag útgefanda. Hagvöxtur ræður miklu um almenn umsvif í hagkerfinu. Gengisskráning krónunnar hefur áhrif á verðbólgu og hluta af leigusamningum veðandlagsins sem eru gengistryggðir gagnvart gengisbreytingum krónunnar. Gengisskráning hefur jafnframt áhrif á skuldastöðu félagsins þar sem það er með lán í bæði EUR og USD. Verðbólga hefur áhrif á verð vöru og þjónustu og þar með rekstrarkostnað og gjöld sem félagið þarf að standa skil á. Á samsvarandi hátt eru leigusamningar félagsins

<sup>1</sup> Gjaldfelling telst einnig samþykkt ef 20% skuldabréfaeigenda miðað við fjárhæð samþykkja gjaldfellingu á fundi skuldabréfaeigenda að því gefnu að skuldabréfaeigendur sem eiga samtals að lágmarki 750 m.kr. að nafnverði og eru a.m.k. tveir (ekki innbyrðis tengdir eða nákomnir í skilningi gjaldprotaskiptalaga nr. 21/1991) samþykki hana.

<sup>2</sup> Útgefanda er ávallt heimilt að veðsetja innstæður á bankareikningi sem hluta af veðandlaginu til að uppfylla veðsetningarhlutfallið.

almennt tengdir vísitölu og hækka í takti við verðlag. Verðbólga, og væntingar þar um, hafa áhrif á vaxtastig og þar af leiðandi fjármagnskostnað fyrirtækja og ávöxtunarkröfu eigna, þ.m.t. fasteigna.

Þættir tengdir almennu efnahagsumhverfi, svo sem þeir sem hér að ofan eru taldir, eru utan áhrifsviðs stjórnar og stjórnenda Íþöku.

### 1.2.3. Markaðsáhætta

Hætta er á að markaðsverð skuldabréfanna breytist vegna breytinga á ávöxtunarkröfu markaðarins. Mögulegt er að slíkar breytingar á ávöxtunarkröfu markaðarins séu almennar eða nái einungis til ákveðins hluta markaðarins. Að sama skapi getur ávöxtunarkrafa til einstakra skuldabréfa á markaði sveiflast. Almenn séð lækkar virði skuldabréfa ef ávöxtunarkrafa til þeirra hækkar, og hækkar ef ávöxtunarkrafa til þeirra lækkar.

### 1.2.4. Vaxtaáhætta

Almennt lækkar markaðsvirði skuldabréfa með föstum vöxtum ef vextir á markaði hækka og öfugt, að öðru óbreyttu. Áhrif vaxtabreytinga eru meiri á skuldabréf með lengri meðallíftíma en styttri. Fjárfesting í skuldabréfum með föstum vöxtum felur í sér hættu á því að vextir sem fjárfestar fá greidda af viðkomandi skuldabréfi séu lægri en þeir vextir sem bjóðast almennt á markaði. Almenn lækkar markaðsvirði skuldabréfa með föstum vöxtum ef fjárfestar telja sig geta fengið betri ávöxtun af annarri sambærilegri fjárfestingu að öðru óbreyttu.

### 1.2.5. Verðtryggingaráhætta

Skuldabréfin eru verðtryggð miðað við vísitölu neysluverðs til verðtryggingar. Verðtryggingin hefur þau áhrif að höfuðstóll skuldabréfanna breytist í samræmi við breytingar á grunnvísitölu skuldabréfanna og gildi vísitölunnar á hverjum gjalddaga höfuðstóls og vaxta. Breytingar á vísitölunni hafa einnig áhrif á greidda vexti af skuldabréfunum, enda er höfuðstóll uppreiknaður miðað við gildi vísitölunnar áður en vextir eru reiknaðir. Verðbólga hefur því bein jákvæð eða neikvæð áhrif á virði skuldabréfaflokksins.

### 1.2.6. Seljanleikaáhætta

Þrátt fyrir að sótt verði um töku skuldabréfanna til viðskipta á skipulegum markaði Nasdaq Iceland er ekki hægt að ábyrgjast að skilvirkur markaður myndist með skuldabréfin. Þannig getur sú staða komið upp að fjárfestar geta ekki selt skuldabréfin þegar þeir vilja selja eða selt á því verði sem væntingar þeirra standa til þar sem framboð skuldabréfanna er meira en svo að markaðurinn taki við sölutilboðum á uppsettu verði. Ekki er fyrirhugað að halda úti viðskiptavakt með skuldabréfin.

### 1.2.7. Uppgreiðsluáhætta

Útgefanda er óheimilt að greiða upp eða inn á skuldabréfin á líftíma skuldabréfanna. Útgefanda er þó heimilt að kaupa og selja skuldabréfin, í heild eða að hluta, á eftirmarkaði. Búast má við að útgefandi kaupi frekar skuldabréfin á eftirmarkaði þegar kostnaður við nýtt lánsfé er lægri en vextir á viðkomandi skuldabréfaflokki. Við slíkar aðstæður eru minni líkur á því að fjárfestar geti fengið sambærilega ávöxtun.

### 1.2.8. Áhætta vegna skilmálabreytinga

Breytingar á skilmálum skuldabréfanna eru háðar samþykki aukins meirihluta eigenda skuldabréfanna miðað við fjárhæð (90%)<sup>3</sup>. Engar takmarkanir eru á því hvaða skilmálum er heimilt að breyta. Þar sem ekki þarf samþykki allra eigenda skuldabréfanna fyrir skilmálabreytingum er sú hætta fyrir hendi að skilmálabreyting verði samþykkt þrátt fyrir að 10% eigenda skuldabréfanna, miðað við fjárhæð, hafi metið skilmálabreytinguna sem verri kost fyrir sig. Nánari umfjöllun má finna í kafla 2.3.2. *Skilmálar skuldabréfsins* í verðbréfalýsingu þessari.

### 1.2.9. Uppgjörsáhætta

Sú áhætta er til staðar, í tengslum við möguleg viðskipti með skuldabréfin, að greiðsla í greiðslukerfi sé ekki gerð upp með þeim hætti sem vænst var sökum þess að mótaðili greiðir eða afhendir ekki greiðslu á réttum tíma.

## 1.3. Lagaleg- og skattaleg áhætta

Um útgáfu skuldabréfanna gilda íslensk lög svo sem þau voru við staðfestingu lýsingar þessarar. Skuldabréfin eru verðbréf og um þau gilda lög nr. 115/2021 um markaði fyrir fjármálagerninga og eru rafrænt skráð, sbr. lög nr. 7/2020 um verðbréfamiðstöðvar, uppgjör og rafræna eignarskráningu fjármálagerninga.

Sem útgefanda fjármálagerninga sem teknir hafa verið til viðskipta á skipulegum markaði Nasdaq Iceland, gilda um félagið ákvæði laga nr. 115/2021 um markaði fyrir fjármálagerninga. Að auki ber félaginu að fylgja lögum nr. 20/2021 um upplýsingaskyldu útgefanda verðbréfa og flöggunarskyldu, lögum nr. 60/2021 um aðgerðir gegn markaðssvikum og reglum sem settar eru á grundvelli þeirra eins og þau eru í gildi á hverjum tíma.

Að auki við þau lög sem varða verðbréfaviðskipti og útgáfu skuldabréfa þá er útgefandi bundinn af íslenskri skattalöggjöf eins og hún er á hverjum tíma, svo sem lögum um tekjuskatt nr. 90/2003, lögum um stimpilgjald nr. 138/2013. Skattalöggjöf kann að breytast með neikvæðum afleiðingum fyrir fjárfesta og útgefanda á líftíma skuldabréfanna.

Breytingar á lögum og reglum, dómsúrskurðir eða stjórnvaldsákvæðin gætu haft áhrif á starfsemi félagsins og virði skuldabréfanna til lengri eða skemmri tíma. Slíkar breytingar gætu leitt til taps fyrir félagið eða með öðrum hætti haft neikvæð áhrif á arðsemi þess eða fjárhagslega stöðu. Útgefandi getur ekki borið ábyrgð á lagabreytingum, ákvörðunum stjórnvalda eða öðrum atriðum sem kunna að eiga sér stað á líftíma skuldabréfanna eftir dagsetningu verðbréfalýsingarinnar og hugsanlegum áhrifum þeirra á skilmála skuldabréfanna og virði þeirra.

Íþaka kann að verða aðili að dómsmálum eða kröfugerðum af hendi þriðja aðila. Fjallað er um dómsmál sem félagið er aðili að í kafla 1.5.3. *Dóms- og gerðardómsmál* í útgefandalýsingu félagsins dagsettri 9. ágúst 2022. Ekki er hægt að útiloka að dómsúrskurðir eða stjórnvaldsákvæðin verði félaginu óhagfelldir.

---

<sup>3</sup> Skuldabréf í eigu útgefanda skulu ekki bera atkvæðisrétt og skal lítið framhjá þeim við útreikninginn.

## 2. Upplýsingar um skuldabréfin

### 2.1. Almennt um útgáfuna

Auðkenni skuldabréfaflokks:	ISIN:	Nafnverðseining flokks:	Loka-gjaldddagi:	Gjaldmiðill:	Tegund:	Verðtrygging:	Nafn-vextir:
ITHAKA 070627	IS0000034189	20.000.000 - kr.	7.6.2027	ISK	Jafnar greiðslur	Já	1,717% fastir

Skuldabréfin eru nafnbref, rafrænt skráð hjá Nasdaq CSD SE, útibúi á Íslandi, Laugavegi 182, (hér eftir nefnt „Nasdaq CSD“). Bréfin eru vistuð á vörslureikningi viðkomandi fjárfestis hjá reikningsstofnun að hans vali. Eignaskráning rafréfa hjá verðbréfamiðstöð veitir skráðum eiganda þess lögformlega heimild fyrir þeim réttindum sem hann er skráður eigandi að.

Skuldabréfin voru seld afmörkuðum hópi fagfjárfesta í lokuðu útboði sem fór fram í maí 2022, í samræmi við 13. tl. 4 gr. laga nr. 115/2021 um markaði fyrir fjármálagerninga og var útboðið ekki sölutryggt. Hægt verður að eiga með þau viðskipti á eftirmarkaði á líftíma bréfanna. Sala og afhending fór fram gegn staðgreiðslu.

Allar kröfur til endurgreiðslu skuldabréfanna eru jafn rétt háar innbyrðis en njóta forgangs í veðandlagið, ásamt öllum þeim skuldaskjölum sem tryggð eru með veðandlaginu, umfram óveðtryggðar kröfur á hendur útgefanda. Komi til þess að tryggingar dugi ekki til greiðslu skuldabréfanna nýtur eftirstandandi krafa sömu rétt hæðar og ótryggðar kröfur á hendur útgefanda. Við gjaldþrot eða slit útgefanda stendur krafa um greiðslu á undan almennum og víkjandi kröfum og kröfu til endurgreiðslu hlutafjár að því marki sem veðið hrekkur til greiðslu samkvæmt skuldabréfinu. Útgefandi ber einn ábyrgð á greiðslum af skuldabréfunum. Verðbréfin hafa ekki skráð lánshæfismat.

### 2.2. Heimild til útgáfunnar

Stjórn Íþöku staðfesti á fundi sínum þann 31. maí 2022 að hún hafi heimilað útgáfu skuldabréfaflokksins og veitt framkvæmdastjóra umboð til að ljúka við útgáfuna, þ.m.t. að taka endanlega ákvörðun um skilmála útgáfunnar, vaxtakjör og fleira, sem og að undirrita útgáfusamning og útgáfulýsingu fyrir rafræna skráningu skuldabréfanna. Skuldabréf úr flokknum ITHAKA 070627 að nafnverði 3.040 m.kr. voru seld þann 27. maí 2022 á ávöxtunarkröfunni 1,73%.

### 2.3. Skilmálar og sérstök skilyrði skuldabréfaflokksins

#### 2.3.1. Skilgreiningar í tengslum við skuldabréfin

Í verðbréfalýsingu þessari skulu eftirfarandi hugtök hafa þá merkingu sem þeim er hér gefið.

**Skuldabréfin:** Skuldabréf í skuldabréfaflokki þessum sem ber auðkennið ITHAKA 070627, eins og þau eru skilgreind í verðbréfalýsingu þessari.

**Skuldabréfaeigendur:** Allir þeir sem eiga kröfur á útgefanda á grundvelli skuldabréfanna og geta framvísað staðfestingu á eign sinni á skuldabréfunum með sannanlegum hætti, t.a.m. með útskrift vörslureiknings hjá reikningsstofnun.

**Skuldaskjöl:** Öll þau skuldaskjöl, hvaða nafni sem þau nefnast, sem sameiginlega eru tryggð með veðandlaginu, jafnt þeirra sem þegar hafa verið gefin út og þeirra sem síðar verða gefin út. Öll skuldaskjöl eru jafnrétt há (pari-passu) hverju öðru er varðar veðandlagið.

**Skuldabréfaflokkarnir:** Allir skuldabréfaflokkar sem tryggðir eru með veðandlaginu. Allir skuldabréfaflokkarnir eru hluti skuldaskjalanna.

**Eigendur skuldaskjalanna:** Allir eigendur skuldaskjalanna. Krafa hvers einstaks eiganda skuldaskjals er jafnréttá (pari-passu) kröfum annarra eigenda skuldaskjalanna.

**Hreinar leigutekjur:** Allar tekjur af fasteignum, þ.m.t. leigutekjur og tekjur af rekstri og innheimtu, að frádregnum öllum beinum kostnaði sem kemur til gjalda vegna fasteigna, s.s. opinber gjöld, tryggingar og rekstur. Við útreikning hreinna leigutekna skulu ekki taldar til tekjur eða gjöld sem eru óbeint tengdar rekstri fasteigna, t.d. vegna reksturs bifreiða, þóknun leigumiðlara, tekjur eða eða gjöld vegna matsbreytinga fasteigna.

**Nettó veðskuldir:** Eftirstöðvar allra skuldaskjala sem tryggð eru með veðandlaginu að frádregnu því fé sem veðsett hefur verið sem hluti veðandlagsins og útgefnum skuldabréfum í skuldabréfaflokkunum sem eru í eigu útgefanda.

**Prófunardagur:** Þeir dagar sem útreikningur á fjárhagslegum skilyrðum skuldabréfanna skal miðast við. Prófunardagar eru tveir talsins á ári hverju, í kjölfar birtingar ársreiknings annars vegar og árshlutareiknings fyrir fyrstu sex mánuði ársins hins vegar. Skal prófunardagur vera eigi síðar en 2 vikum eftir birtingu framangreindra árs- og árshlutareikninga. Fyrsti prófunardagur tekur mið af hálfis árs uppgjöri ársins 2022.

**Reiknaðir vextir:** Vextir eins og þeir reiknast miðað við uppreiknaðan höfuðstól, að teknu tilliti til verðbóta og gengisáhrifa hverju sinni. Gjaldfærðar verðbætur og gengisbreytingar (reiknaðar og ógreiddar) teljast ekki til reiknaðra vaxta. Dráttarvextir sem falla til vegna skuldaskjalanna skulu teljast hluti reiknaðra vaxta.

**Höfuðborgarsvæðið:** Öll þau sveitarfélög sem aðild eiga að Samtökum Sveitarfélaga á Höfuðborgarsvæðinu.

### 2.3.2. Skilmálar skuldabréfsins

Auðkenni:	ITHAKA070627
Útgefandi:	Íþaka fasteignir ehf.
LEI kóði:	636700JUFL9E1XND6C97
ISIN:	IS0000034189
Gjaldmiðill:	ISK
Vextir:	1,717% fastir vextir
Dagaregla:	30/360
Fyrsti greiðsludagur:	7. júlí 2022
Útgáfudagur:	7. júní 2022
Lokagjalddagi:	7. júní 2027
Heildarútgáfa:	kr. 3.040.000.000 (krónur sex milljarðar)
Útgefið nú:	kr. 3.040.000.000 (krónur sex milljarðar)
Nafnverðseining:	kr. 20.000.000 (krónur tuttugu milljónir)
Útreikningsaðili:	Útgefandi



Verðtrygging:	Skuldabréfin eru verðtryggð með vísitölu neysluverðs til verðtryggingar, með grunnvísitölu 536,22 þann 7. júní 2022. Verðtryggður höfuðstóll skal uppreiknaður áður en vextir eru reiknaðir.
Uppgreiðsluheimild	Skuldabréfin eru úppgreiðanleg.

### Greiðslur vaxta og höfuðstóls

Höfuðstóll, verðbætur og vextir greiðast með 60 greiðslum sem skulu fylgja greiðsluferli skuldabréfs sem greitt væri með 360 jöfnum greiðslum (annuity). Fyrsti greiðsludagur skal vera 7. júlí 2022 og mánaðarlega þar á eftir á 7. degi mánaðarins („gjald dagar“). Á lokagjald daga skulu allar eftirstöðvar höfuðstóls greiddar.

Beri gjalddaga upp á dag sem ekki er bankadagur skal greiðsludagur vera næsti bankadagur þar á eftir. Bankadagur í skuldabréfum þessum telst vera virkur dagur þegar bankar eru almennt opnir á Íslandi.

Greiðslustaður er hjá reikningsstofnunum, í samræmi við greiðsluupplýsingar frá Nasdaq CSD SE, og ber hver reikningsstofnun ábyrgð á útteilingu greiðslna til skuldabréfaeigenda.

### Dráttarvextir

Greiði útgefandi ekki samningsbundnar afborganir og vexti á gjalddaga skuldabréfanna er skuldabréfaeigendum heimilt að innheimta dráttarvexti, í samræmi við ákvörðun Seðlabanka Íslands á hverjum tíma um grunn dráttarvaxta og vanefndarálag, sbr. 1. mgr. 6. gr. laga nr. 38/2001 um vexti og verðtryggingu, af gjaldfallinni fjárhæð. Komi til þess að gjalddagi skuldabréfanna falli á dag sem ekki er bankadagur og útgefandi greiðir á næsta bankadegi þar á eftir, er skuldabréfaeigendum ekki heimilt að innheimta dráttarvexti.

### Veðgæsluaðili

Í gildi er samningur við veðgæsluaðila sem tekur til allra skuldaskjalanna og gildir til 10 ára frá 15. nóvember 2019 að telja, þó geta báðir samningsaðilar sagt samningnum upp með 6 mánaða uppsagnarfresti. Við útgáfu skuldabréfanna er veðgæsluaðili Lex hf., kt. 570297-2289, Borgartúni 26, 105 Reykjavík. Fjárfestar skuldabréfanna geta, á líftíma skuldabréfanna, haft frjálsan aðgang að samningi við veðgæsluaðila inná vefsíðufélagsins: [www.ithaka.is/fjarfestar](http://www.ithaka.is/fjarfestar).

Útgefandi skal ávallt á líftíma skuldabréfanna hafa í gildi samning við veðgæsluaðila. Komi til þess að ekki sé til staðar samningur við veðgæsluaðila skal síðasti veðgæsluaðili starfa með óbreyttar heimildir á grundvelli útseldra tíma samkvæmt útgefningu verðskrá á kostnað útgefanda þar til nýr veðgæsluaðili hefur verið ráðinn til starfa. Ákvæði þessa efnis skal koma fram í samningi útgefanda við veðgæsluaðila. Ávallt skal einn og sami veðgæsluaðili gegna hlutverki veðgæsluaðila fyrir alla eigendur skuldaskjalanna.

Krefjist 75% skuldabréfaeigenda (miðað við fjárhæð<sup>4</sup>) þess að skipt sé um veðgæsluaðila er útgefanda skylt að verða við slíkrri kröfu enda séu þeir skilmálar sem útgefanda bjóðast hjá nýjum veðgæsluaðila sambærilegir við þá sem áður giltu og eigendur skuldaskjalanna samþykkja hinn nýja veðgæsluaðila í samræmi við ákvæði viðeigandi skuldaskjala. Komi til þess að þeir skilmálar sem nýr veðgæsluaðili býður feli í sér hærri kostnað en áður var skulu eigendur skuldaskjalanna standa straum af þeim hluta

---

<sup>4</sup> Skuldabréfi eigu útgefanda skulu ekki bera atkvæðisrétt og skal litið framhjá þeim við útreikninginn.

kostnaðar við samning við veðgæsluaðila sem er umfram þann kostnað sem áður var, enda séu eigendur skuldaskjalanna samþykkir breytingunni.

Óski útgefandi eftir því að skipta um veðgæsluaðila skal hann leita samþykkis skuldabréfaeigenda, en samþykki um slíkt skal veitt á fundi skuldabréfaeigenda, sem boðaður hefur verið og haldinn í samræmi við ákvæði um samþykktarferli fyrir gjaldfellingu að breyttu breytanda. Fundarboði skal fylgja rökstuðningur útgefanda fyrir ósk sinni um breyttan veðgæsluaðila, þ.m.t. um hver hinn nýi veðgæsluaðili yrði. Ósk útgefanda telst vera samþykkt ef 75% fundarmanna á fundi skuldabréfaeigenda (miðað við fjárhæð<sup>5</sup>) samþykkja hana. Skal samþykktarhlutfallið reiknað sem fjárhæð skuldabréfa í eigu þeirra sem gjalda óskinni jáyrði sitt deilt með fjárhæð skuldabréfa allra þeirra sem til fundar skuldabréfaeigenda mæta. Skuldabréf í eigu útgefanda veita ekki atkvæðisrétt og skal litið framhjá þeim við útreikning hlutfalla.

### Hlutverk veðgæsluaðila

Veðgæsluaðila ber að gæta hagsmuna allra eigenda skuldaskjalanna til jafns. Þá varðveitir veðgæsluaðili frumrit tryggingarbréfa vegna veðandlagsins.

Veðgæsluaðili skal að beiðni skuldabréfaeigenda boða til fundar skuldabréfaeigenda, t.a.m. vegna atkvæðagreiðslu um gjaldfellingu skuldabréfanna og fullnustu trygginga, í samræmi við ákvæði skuldabréfanna. Veðgæsluaðili skal ennfremur sjá um millifærslur af læstum bankareikningi útgefanda og bera ábyrgð á skjalavörslu, þ.e. móttöku og vörslu nýrra tryggingarbréfa sem og afléttingu tryggingarbréfa, í samræmi við ákvæði skuldabréfanna.

Komi til gjaldfellingar skal veðgæsluaðili taka að sér umsjón þess að ganga að tryggingum fyrir hönd eigenda skuldaskjalanna, þ.m.t. skuldabréfaeigendur. Hefur veðgæsluaðili einn rétt til ákvarðanatöku og skal gæta hagsmuna allra eigenda skuldaskjalanna til jafns. Tekur veðgæsluaðili m.a. ákvörðun um með hvaða hætti og í hvaða röð fullnusta fer fram, en nái fullnusta ekki til alls veðandlagsins skal fullnusta þó fara fram með tilliti til veðhlutfalls og fjárfestingarstefnu skuldabréfanna í kjölfar fullnustu, eftir því sem kostur er. Veðgæsluaðila er óheimilt að ráðstafa greiðslum sem til koma við innheimtu í kjölfar gjaldfellingar einhverra skuldaskjala nema að slíkum greiðslum sé ráðstafað jafnt á milli þeirra eigenda skuldaskjalanna sem gjaldfellt hafa kröfur sínar. Ákvæði þess efnis skal koma fram í tryggingarbréfum sem hvíla á veðandlaginu.

Um skyldur veðgæsluaðila fer að öðru leyti samkvæmt ákvæðum skuldabréfanna og samnings veðgæsluaðila við útgefanda. Samningurinn getur aldrei gengið framar ákvæðum skuldabréfanna nema það sé til hagsbóta fyrir skuldabréfaeigendurna.

### Eftirlitsaðili

Í gildi er samningur við eftirlitsaðila sem tekur til allra skuldaskjalanna og gildir til 10 ára frá 15. nóvember 2019 að telja, þó geta báðir samningsaðilar sagt samningnum upp með 6 mánaða uppsagnarfresti. Við útgáfu skuldabréfanna er eftirlitsaðili Ernst og Young ehf., kt. 520902-2010, Borgartúni 30, 105 Reykjavík.

Útgefandi skal ávallt á líftíma skuldabréfanna hafa í gildi samning við eftirlitsaðila. Komi til þess að ekki sé til staðar samningur við eftirlitsaðila skal síðasti eftirlitsaðili starfa með óbreyttar heimildir á grundvelli útseldra tíma samkvæmt eigin verðskrá á kostnað útgefanda þar til nýr eftirlitsaðili hefur verið ráðinn til starfa. Ákvæði þessa efnis skal koma fram í samningi útgefanda við eftirlitsaðila.

Krefjist 75% skuldabréfaeigenda (miðað við fjárhæð<sup>6</sup>) þess að skipt sé um eftirlitsaðila er útgefanda skylt að verða við slíkri kröfu enda séu þeir skilmálar sem útgefanda bjóðast hjá nýjum eftirlitsaðila

<sup>5</sup> Skuldabréf í eigu útgefanda skulu ekki bera atkvæðisrétt og skal litið framhjá þeim við útreikninginn.

<sup>6</sup> Skuldabréf í eigu útgefanda skulu ekki bera atkvæðisrétt og skal litið framhjá þeim við útreikninginn.

sambærileg við þá sem áður giltu. Komi til þess að þeir skilmálar sem nýr eftirlitsaðili býður feli í sér hærri kostnað en áður var skulu skuldabréfaeigendur standa straum af þeim hluta kostnaðar við samning við eftirlitsaðila sem er umfram þann kostnað sem áður var.

Óski útgefandi eftir því að skipta um eftirlitsaðila skal hann leita samþykkis skuldabréfaeigenda, en samþykki um slíkt skal veitt á fundi skuldabréfaeigenda, sem boðaður hefur verið og haldinn í samræmi við ákvæði um samþykktarferli fyrir gjaldfellingu að breyttu breytanda. Fundarboði skal fylgja rökstuðningur útgefanda fyrir ósk sinni um breyttan eftirlitsaðila, þ.m.t. um hver hinn nýi eftirlitsaðili yrði. Ósk útgefanda telst vera samþykkt ef 75% fundarmanna á fundi skuldabréfaeigenda (miðað við fjárhæð<sup>7</sup>) samþykkja hana. Skal samþykktarhlutfallið reiknað sem fjárhæð skuldabréfa í eigu þeirra sem gjalda óskinni jáyrði sitt deilt með fjárhæð skuldabréfa allra þeirra sem til fundar skuldabréfaeigenda mæta. Skuldabréf í eigu útgefanda veita ekki atkvæðisrétt og skal litið framhjá þeim við útreikning hlutfalla.

### Hlutverk eftirlitsaðila

Eftirlitsaðila ber að staðfesta og kanna sjálfstætt útreikninga útgefanda á fjárhagslegum skilyrðum skuldabréfanna, þ.m.t. á eiginfjárlutfalli, veðsetningarhlutfalli og sjóðstreymiskvöð. Útgefandi skal birta skýrslur eftirlitsaðila með tilkynningu á evrópska efnahagssvæðinu (fréttakerfi kauphallar). Sé útgefandi ekki með skráða fjármálagernina skal hann birta skýrslur eftirlitsaðila með skriflegri tilkynningu til skuldabréfaeigenda með milligöngu Nasdaq CSD SE. Útgefanda er þó ávallt heimilt birta skuldabréfaeigendum skýrslur eftirlitsaðila með tölvupósti sem skuldabréfaeigendur staðfesta móttöku á.

Um skyldur eftirlitsaðila fer að öðru leyti samkvæmt ákvæðum skuldabréfanna og samnings eftirlitsaðila við útgefanda.

### Veðandlagið

Safn fasteigna sem útgefandi veitir veð í til tryggingar skuldaskjölunum (hér eftir „veðandlagið“). Við útgáfu skuldabréfanna samanstendur veðandlagið af þeim fasteignum sem tilgreindar eru í viðauka B við útgáfulýsingu skuldabréfaflokksins dagsetta 25. nóvember 2021. Útgefanda er heimilt að gera breytingar á veðandlaginu í samræmi við ákvæði skuldabréfanna. Þá er útgefanda ávallt heimilt að veðsetja innstæður á bankareikningi sem hluta veðandlagsins.

Dinglýsing tryggingarréttinda fer fram með útgáfu og þinglýsingu tryggingarbréfa á 1. veðrétt veðandlagsins. Dinglýst frumrit tryggingarbréfa skulu afhent veðgæsluaðila til varðveislu.

Útgefanda er óheimilt að veðsetja (e. negative pledge) leigutekjur af veðandlaginu.

### Tryggingarskilyrði veðandlagsins

Á prófunardögum skulu eftirfarandi tryggingarskilyrði vera uppfyllt:

- a) Sjóðstreymiskvöð: Hlutfall hreinna leigutekna deilt með reiknuðum vöxtum af nettó veðskuldum skal aldrei vera lægra en 1,65 reiknað yfir tólf mánaða tímabil.
- b) Veðsetningarhlutfall: Hlutfall nettó veðskulda deilt með bókfærðu virði veðandlagsins skal á hverjum prófunardegi ekki vera hærra en 70%.

Skal útreikningurinn fara fram af útgefanda og vera yfirfarinn af eftirlitsaðila eins og í tilfelli b-liðar sérstakra skilyrða að breyttu breytanda, og skal útreikningurinn taka til veðandlagsins.

---

<sup>7</sup> Skuldabréf í eigu útgefanda skulu ekki bera atkvæðisrétt og skal litið framhjá þeim við útreikninginn.

## Fjárfestingastefna

Markmið útgefanda: Útgefandi á og rekur atvinnuhúsnæði. Útgefandi hefur heimild til að gera breytingar á veðandlaginu í samræmi við skilmála skuldabréfa þessara.

Leigutakar: Leigutakar skulu vera einstaklingar í atvinnurekstri, félög, opinberir aðilar eða stofnanir í traustum rekstri sem geta staðið við skuldbindingar sínar.

Staðsetningar: Samsetning eigna sem eru hluti af veðandlaginu skal vera eftirfarandi:

- a) Atvinnuhúsnæði á Íslandi.
- b) Allt veðandlagið skal vera á Höfuðborgarsvæðinu.
- c) Að lágmarki 50% af virði veðandlagsins skal vera í Reykjavík eða á miðsvæði Kópavogs<sup>8</sup>, og vestan Suðurlandsvegar.

## Breytingar á veðandlaginu

Almennt: Allar breytingar á veðandlaginu eru háðar því að tryggingarskilyrði veðandlagsins og fjárfestingastefna séu fyrir breytinguna og verði á næsta prófunardegi eftir breytinguna uppfyllt, staðfest af eftirlitsaðila. Sé annað hvort ekki uppfyllt er útgefanda einungis heimilt að gera slíkar breytingar á veðandlaginu svo tryggingarskilyrði veðandlagsins og fjárfestingastefna verði í kjölfar breytingarinnar uppfyllt eða nær því að verða uppfyllt en áður en breyting átti sér stað.

Útgefanda er óheimilt að gera einhverjar þær breytingar á veðandlaginu sem snúa að því að eignir séu seldar eða þeim skipt úr veðandlaginu eða veðböndum af þeim aflétt án samþykkis 75% skuldabréfaeigenda (miðað við fjárhæð<sup>9</sup>), utan sölu á Ármúla 23 eða Engjateig 3 sem og ef Reykjavíkurborg nýti kaupréttarákvæði sitt um fasteignina Norðlingabraut 12, í samræmi við ákvæði skuldabréfanna.

Viðbætur fasteigna í veðandlagið: Útgefanda er heimilt að bæta tryggingum við veðandlagið, hvort sem er til að standast tryggingaskilyrði veðandlagsins, uppfylla fjárfestingastefnu eða til að geta aukið skuldsetningu byggða á veðandlaginu. Fasteignir bætast við veðandlagið á markaðsvirði sem skal annað hvort staðfest af eftirlitsaðila eða öðrum óháðum sérfræðingi (að fengnu samþykki eftirlitsaðila) eða á grundvelli kaupsamnings um viðkomandi fasteign sem skal vera að hámarki 6 mánaða gamall. Gengið skal frá nýrri veðsetningu á grundvelli skilmála sem veðgæsluaðili samþykkir (þ.m.t. um orðalag tryggingarbréfa) og hefur veðgæsluaðili eftirlit með þinglýsingu og vörslu frumrita nýrra veðskjala.

Sala fasteigna úr veðandlaginu: Útgefanda er ekki heimilt að selja veðsettar fasteignir sem falla undir veðandlagið án samþykkis 75% skuldabréfaeigenda (miðað við fjárhæð<sup>10</sup>). Þó skal útgefanda heimilt að selja fasteignirnar að Ármúla 23 og Engjateig 3 til óháðs þriðja aðila á armslengdarkjörum gegn greiðslu reiðufjár eða ígildis þess með eðlilegum greiðslufrestum. Þá skal útgefanda heimilt að selja fasteignina Norðlingabraut 12, Reykjavík, til leigutaka, í samræmi við ákvæði leigusamnings. <sup>11</sup> Söluandvirði framangreindra eigna skal vera útgefanda til frjálsrar ráðstöfunar svo lengi sem tryggingaskilyrði séu ekki brotin. Komi til þess að tryggingaskilyrði brotni við frjálsa ráðstöfun

<sup>8</sup> Með miðsvæði Kópavogs er átt við skipulagt atvinnuhúsnæðissvæði sem er innan við 2km frá Smáralind í loftlínu.

<sup>9</sup> Skuldabréf í eigu útgefanda skulu ekki bera atkvæðisrétt og skal litið framhjá þeim við útreikninginn.

<sup>10</sup> Skuldabréf í eigu útgefanda skulu ekki bera atkvæðisrétt og skal litið framhjá þeim við útreikninginn.

<sup>11</sup> Í 7.gr. leigusamnings útgefanda við Framkvæmda- og eignausmýslusvið Reykjavíkurborgar (sem leigutaka), kveður á um að leigutaka sé heimilt að kaupa fasteignina á tímabilinu 1. janúar 2015 til 31. desember 2029, á verði sem aðilar koma sér saman um. Náist ekki samkomulag skal hvor aðili tilnefna matsmann sem saman skulu meta kaupverð hússins, sem getur þó aldrei orðið lægra en áhvílandi skuldir. Ennfremur er útgefandi í viðræðum við leigutaka um stækkun fasteignarinnar og lengingu leigutíma bæði að núverandi fasteign sem og stækkun. Náist samningar þar um, er það markmið útgefanda að ekki verði til staðar kaupréttarákvæði, en til vara að slíkt ákvæði taki ekki gildi fyrr en að loknum lokagjalddaga skuldabréfanna.

útgefanda á söluandvirðinu skal svo stórt hlutfall söluandvirðisins sem nauðsyn krefur til að tryggingaskilyrðin séu uppfyllt geymt á veðsettum reikningi í eigu útgefanda en í umsjá veðgæsluaðila og teljast hluti veðandlagsins. Séu skilyrði sölu uppfyllt skal veðgæsluaðili leysa viðkomandi fasteign úr veðböndum.

Sé til staðar handveðsett fé sem er hluti veðandlagsins getur útgefandi ráðstafað því til (i) kaupa á eignum í samræmi við framangreindan skilmála þar um, eða (ii) greiðslu inn á einhverjar skuldir sem tryggðar eru með veðandlaginu, enda sé til staðar heimild til fyrirframgreiðslu í viðkomandi skuldaskjali, eða (iii) til kaupa á skuldabréfum úr einhverjum skuldabréfaflokki sem er hluti skuldaskjalanna, enda sé eigendum allra skuldabréfaflokkanna gert tilboð um sölu á grundvelli útboðsfyrirkomulags.

Sala á dótturfélagi sem er eigandi fasteignar sem er hluti af veðandlaginu telst vera sala á fasteigninni. Útgefandi hefur heimild til að selja allar fasteignirnar innan samstæðu sinnar án þess að það hafi áhrif á veðandlagið, enda tekur kaupandi innan samstæðu útgefanda við viðkomandi fasteign(um) með þeim kvöðum sem á henni/þeim hvíla.

Aflétting veðbanda: Útgefanda er heimilt að fengnu samþykki skuldabréfaeigenda að óska eftir afléttingu veðbanda af tilgreindri eign eða eignum úr veðandlaginu, t.d. ef hann hyggst þróa viðkomandi eign frekar. Skal útgefandi einnig leita samþykkis eigenda annarra skuldaskjala eftir því sem skilmálar þeirra skuldaskjala kveða á um.

Ákvörðun um afléttingu veðbanda skal tekin á fundi skuldabréfaeigenda, boðuðum og höldnum í samræmi við ákvæði um samþykktarferli fyrir gjaldfellingu að breyttu breytanda. Fundarboði skal fylgja rökstuðningur útgefanda fyrir ósk sinni um afléttingu veðbanda. Telst óskin vera samþykkt ef 75% skuldabréfaeigenda (miðað við fjárhæð<sup>12</sup>) samþykkja hana.

### Útgáfa frekari skuldaskjala

Útgefandi hefur heimild til að gefa út frekari skuldaskjöl sem tryggð eru með veðandlaginu, t.a.m. með stækkun skuldabréfaflokksins, útgáfu nýrra skuldabréfaflokka eða töku bankalána, svo lengi sem tryggingaskilyrði veðandlagsins séu ekki brotin.

Öll ný skuldaskjöl skulu vera jafnréttá (pari-passu) hvað varðar veðandlagið og skuldabréfin. Hið sama gildir um öll skuldaskjöl sem þegar hafa verið gefin út og tryggð eru með veðandlaginu. Öll ný skuldaskjöl skulu innihalda ákvæði þess efnis að þau séu jafnrétthá bæði eldri og hugsanlega enn-síðar útgefnum skuldaskjöllum. Þá skulu öll skuldaskjöl ekki innihalda ákvæði sem koma í veg fyrir að heimilt sé að skipta um veðgæsluaðila.

Drátt fyrir framangreint er útgefanda heimilt að gefa út frekari skuldaskjöl sem tryggð eru með síðari veðréttum í veðandlaginu. Slík skuldaskjöl verða þá í öllum tilfellum réttlægri hvað varðar veðandlagið en skuldaskjölin og skuldabréfin.

### Gjaldfellingarheimildir

Hafi greiðsla vaxta, verðbóta eða höfuðstóls ekki verið innt af hendi innan þrjátíu (30) daga eftir gjalddaga er skuldabréfaeigendum heimilt að fella allar eftirstöðvar skuldabréfanna í gjalddaga.

Ef (i) fjárnám verður gert hjá útgefanda, (ii) önnur lán útgefanda að lágmarki að fjárhæð kr. 100.000.000 fyrir einstakar skuldbindingar eða samtals að fjárhæð kr. 250.000.000 eru gjaldfelld, (iii) fram kemur ósk um gjaldþrotaskipti á búi útgefanda, (iv) útgefandi leitar nauðasamninga, (v) eignir útgefanda eru auglýstar á nauðungaruppboði eða (vi) eignir útgefanda eru kyrrsettar sem hluti af fullnustuaðgerðum kröfuhafa, er skuldabréfaeigendunum heimilt að fella allar eftirstöðvar

<sup>12</sup> Skuldabréf í eigu útgefanda skulu ekki bera atkvæðisrétt og skal lítið framhjá þeim við útreikninginn.

skuldabréfanna í gjalddaga. Gjaldfelling er þó ekki heimil ef réttmætum mótbárum útgefanda og eðlilegum vörnum er haldið uppi. Skal við mat á heimildum til gjaldfellinga skv. framangreindum (ii) lið horft til þess að fjárhæðir séu verðbættar samkvæmt vísitölu neysliverðs til verðtryggingar, með sömu grunnvísitölu og skuldabréfin.

Verði útgefandi uppvís að brotum á sérstökum skilyrðum skuldabréfanna hefur hann fjörutíu og fimm daga til að bæta úr broti frá þeim degi að það á sér stað. Sé brot til staðar á fertugasta og sjötta degi er skuldabréfaeigendum heimilt að fella allar eftirstöðvar skuldabréfanna í gjalddaga.

Hafi skuldabréfin ekki verið tekin til viðskipta á Aðalmarkaði Nasdaq Iceland fyrir 31. desember 2022 eða ef frumrit tryggingarbréfa sem tryggja veðandlagið hafa ekki verið afhent veðgæsluaðila innan 2 daga frá útgáfu skuldabréfanna og þeim ekki verið þinglýst athugasemdalaust fyrir 31. ágúst 2022 er skuldabréfaeigendum heimilt að fella allar eftirstöðvar skuldabréfanna í gjalddaga.

Komi til þess að gjaldfellingarheimild sé til staðar og einhver skuldabréfaeigandi hyggst nýta þá heimild skal ákvörðun um gjaldfellingu fara fram í samræmi við samþykktarferli fyrir gjaldfellingu.

### Samþykktarferli fyrir gjaldfellingu

Komi til þess að til staðar sé gjaldfellingarheimild er hverjum skuldabréfaeiganda heimilt að óska eftir fundi skuldabréfaeigenda þar sem ákvörðun skal tekin um hvort gjaldfella eigi skuldabréfin. Skulu skuldabréfaeigendur beina ósk um fund skuldabréfaeigenda til veðgæsluaðila sem annast fundarboðun og fundarstjórn fundar skuldabréfaeigenda.

Við móttöku beiðni skuldabréfaeiganda um fund skuldabréfaeigenda skal veðgæsluaðili innan tveggja (2) daga senda útgefanda tilkynningu um fundarboðun og skal útgefandi birta slíka tilkynningu opinberlega á evrópska efnahagssvæðinu (fréttakerfi kauphallar). Í því tilfalli að útgefandi hafi ekki útgefna fjármálagerninga sem teknir hafa verið til viðskipta skal fundur skuldabréfaeigenda boðaður með milligöngu Nasdaq CSD SE.

Fund skuldabréfaeigenda skal ávallt boða með að lágmarki tveggja vikna fyrirvara og skal fundarboðið tilgreina hvar og hvenær fundur skuldabréfaeigenda skal haldinn. Fimm virkum dögum fyrir fundinn skal útgefandi ítreka fundarboðið með fréttatilkynningu opinberlega á evrópska efnahagssvæðinu (fréttakerfi kauphallar). Skirrist útgefandi við að birta fundarboð er veðgæsluaðila heimilt að láta birta tilkynningu í nafni útgefanda og á hans kostnað. Útgefanda er heimilt að tjá sig á fundi skuldabréfaeigenda, en skal víkja af fundi áður en atkvæðagreiðsla hefst.

Atkvæðisréttur skuldabréfaeigenda miðast við fjárhæð skuldabréfaeignar hvers skuldabréfaeiganda í hlutfalli við útistandandi fjárhæð skuldabréfaflokksins. Skal eignarhlutfall hvers skuldabréfaeigenda miðast við skráða eign þeirra í lok þess dags sem fundur skuldabréfaeigenda er boðaður. Eigi útgefandi hluta skuldabréfanna skal sá hluti ekki bera atkvæðisrétt, og eignarhlutfall annarra skuldabréfaeigenda því verða hlutfallslega hærra sem nemur skuldabréfum í eigu útgefanda.

Gjaldfelling telst samþykkt ef 33% skuldabréfaeigenda skv. framangreindu samþykkja hana. Gjaldfelling telst einnig samþykkt ef 20% skuldabréfaeigenda samþykkja hana, enda hafi að minnsta kosti tveir skuldabréfaeigendur sem ekki eru innbyrðis tengdir eða nákomnir í skilningi laga nr. 21/1991 um gjaldþrotaskipti og eiga samtals skuldabréf að lágmarki kr. 750.000.000 að nafnverði samþykkt hana. Allir skuldabréfaeigendur eru bundnir við ákvarðanir sem teknar eru á fundi skuldabréfaeigenda og teljast öll skuldabréfin gjaldfallin sé tekin ákvörðun um gjaldfellingu. Sé gjaldfellingarheimild ekki lengur til staðar á fundardegi er ekki heimilt að nýta gjaldfellingarheimildina og skal veðgæsluaðili þá án tafar afboða fundinn.

Fundarboðun, fundargögn og niðurstöður fundar skulu birtar opinberlega á evrópska efnahagssvæðinu (fréttakerfi kauphallar). Komi til þess að útgefandi sé ekki með útgefna

fjármálagerninga sem teknir hafa verið til viðskipta skal framangreint sent Nasdaq CSD SE sem kemur upplýsingum áleiðis til skuldabréfaeigenda.

### Arðgreiðslur

Greiðsla arðs, kaup á eigin hlutabréfum eða lækkun hlutafjár til greiðslu til hluthafa er heimil innan þeirra marka sem eðlilegt og sanngjarnt getur talist, en þó þannig að tryggingarskilyrði veðandlagsins verði ekki brotin við aðgerðina. Skilyrði fyrir arðgreiðslu, kaupum á eigin hlutabréfum eða lækkun hlutafjár, í hvaða formi sem hún kann að verða, er að engar vanefndir samkvæmt skuldabréfunum séu til staðar eða séu fyrirsjáanlegar vegna aðgerðarinnar. Óheimilt er að greiða arð, kaupa eigin hlutabréf eða lækka hlutafé fari eiginfjárhlutfall útgefanda við það undir 27,5% vegna rekstraráranna 2022 og 2023, og undir 30% eftir það og út lánstímann.

### Upplýsingaöflun

Útgefanda og veðgæsluaðila er á hverjum tíma heimilt að afla upplýsinga um skráða eigendur skuldabréfanna frá Nasdaq CSD SE.

### Skilmálabreyting

Útgefanda er heimilt að óska eftir breytingu á skilmálum skuldabréfanna, en ákvörðun um slíkt skal taka á fundi skuldabréfaeigenda, sem boðaður er og haldinn í samræmi við ákvæði um samþykktarferli fyrir gjaldfellingu að breyttu breytanda. Fundarboði skal fylgja yfirlit yfir tillögur útgefanda að breyttum skilmálum.

Tillögur að breyttum skilmálum skuldabréfanna teljast vera samþykktar ef 90% skuldabréfaeigenda (miðað við fjárhæð<sup>13</sup>) samþykkja hana.

Útgefanda ber að tilkynna Nasdaq CSD SE um hvers kyns breytingar á skilmálum skuldabréfanna.

### Framsal

Engar takmarkanir eru á framsali skuldabréfa, aðrar en að eingöngu skal framselja skuldabréfin til nafngreinds aðila.

### Hlunnindi

Engin hlunnindi eru tengd skuldabréfunum.

### Ágreiningsmál

Rísi mál út af skuldabréfum þessum skal það rekið fyrir Héraðsdómi Reykjavíkur samkvæmt ákvæðum XVII. kafla laga nr. 91/1991 um meðferð einkamála.

### Afskráning

Skuldabréfin verða afskráð sjö sólarhringum eftir lokagjaldþaga nema tilkynning um annað berist frá útgefanda. Útgefanda ber að tilkynna Nasdaq CSD SE um greiðslufall skuldabréfanna og skal í því tilviki senda Nasdaq CSD SE tilkynningu þar um þegar greiðsla hefur farið fram.

### 2.3.3. Sérstök skilyrði skuldabréfaflokksins ITHAKA 070627

- a) Tilkynning á vanefnd: Útgefandi skuldbindur sig til að tilkynna skuldabréfaeigendum þegar í stað ef hann verður var við að hvers kyns vanefndartilvik samkvæmt skuldabréfunum hafi átt sér stað. Jafnframt skal útgefandi tilkynna um gjaldfellingarheimildir ef þær eru fyrir hendi hjá öðrum lánveitendum útgefanda. Tilkynning samkvæmt ákvæði þessu telst

---

<sup>13</sup> Skuldabréf í eigu útgefanda skulu ekki bera atkvæðisrétt og skal litið framhjá þeim við útreikninginn.

fullnægjandi sé hún birt opinberlega á evrópska efnahagssvæðinu (fréttakerfi kauphallar), sé útgefandi með útgefna fjármálagerninga sem teknir hafa verið til viðskipta, en annars sé hún send með ábyrgðarpósti til skuldabréfaeigenda.

- b) **Fjárhagsleg skilyrði:** Útgefandi skuldbindur sig til að hlíta neðangreindum fjárhagslegum skilyrðum sem taka mið af rekstri og efnahag samstæðu útgefanda:
- Sjóðstreymiskvöð:** Hreinar leigutekjur deilt með reiknuðum vöxtum skulu aldrei vera lægri en 1,65, reiknað á prófunardögum. Til viðbótar við samstæðu útgefanda skal sjóðstreymiskvöð einnig vera uppfyllt fyrir veðandlagið.
  - Eiginfjárhlutfall:** Eiginfjárhlutfall án óefnislegra eigna skal á hverjum prófunardegi vera 25% eða hærra.

Framangreind fjárhagsleg skilyrði skulu reiknuð af útgefanda á prófunardögum. Skal útgefandi senda eftirlitsaðila öll nauðsynleg gögn innan tveggja vikna frá prófunardegi og skal eftirlitsaðili birta skýrslu sína innan tveggja vikna þaðan í frá.

**Viðmiðun:** Efnahagsliðir miðast við punktstöðu á uppgjörsdögum og rekstrarliðir miðast við undangengna 12 mánuði frá uppgjörssdegi.

**Úrbætur:** Til úrbóta á ofangreindum fjárhagslegum skilyrðum er útgefanda heimilt að auka eigið fé sem nemur því sem upp á hreinar leigutekjur vantar eða þá fjárhæð sem þarf til að eiginfjárhlutfall standist.

- c) **Veðsetningarhlutfall:** Eftirstöðvar allra skuldaskjalanna deilt með bókfærðu virði veðandlagsins skal á hverjum prófunardegi vera 70% eða lægra. Útgefanda er ávallt heimilt að veðsetja innstæður á bankareikningi sem hluta af veðandlaginu til að uppfylla veðsetningarhlutfallið.
- d) **Jafn rétt háar kröfur:** Kröfur samkvæmt skuldabréfunum standa ávallt jafnar og óheimilt er að inna af hendi greiðslu til eins eða fleiri skuldabréfaeigenda nema að sama hlutfall sé greitt til allra skuldabréfaeigendanna. Öll ný skuldaskjöl skulu vera jafnrétt há (pari-passu) hvað varðar veðandlagið og skuldabréfin. Hið sama gildir um öll skuldaskjöl sem þegar hafa verið gefin út og tryggð eru með veðandlaginu. Drátt fyrir framangreint er útgefanda heimilt að gefa út frekari skuldaskjöl sem tryggð eru með síðari veðréttum í veðandlaginu. Slík skuldaskjöl verða þá í öllum tilfellum réttlægri hvað varðar veðandlagið en skuldaskjölin og skuldabréfin.
- e) **Vátryggingar:** Útgefandi skuldbindur sig til að hafa ávallt í gildi lögboðnar brunatryggingar sem tryggja að fullu verðmæti allra fasteigna í hans eigu, sem og að viðhalda slíkum tryggingum á líftíma skuldabréfanna.
- f) **Bann við breytingum á starfsemi eða tilgangi útgefanda:** Útgefandi skuldbindur sig til að skipta útgefanda ekki upp í tvö eða fleiri sjálfstæð félög, sameinast öðrum félögum eða gera verulegar breytingar á tilgangi útgefanda, nema að fengnu samþykki 75% skuldabréfaeigenda miðað við fjárhæð. Drátt fyrir framangreint er útgefanda ávallt heimilt að skipta tilteknum eignum sínum eða hluta rekstrar í félag að fullu í eigu útgefanda sem og að sameinast öðrum félögum sem eru þegar innan samstæðu útgefanda.
- g) **Upplýsingar:** Útgefandi skal birta alla útreikninga sína, sem og eftirlitsaðila, vegna sérstakra skilyrða opinberlega á evrópska efnahagssvæðinu (fréttakerfi kauphallar) og í samræmi við reglur kauphallar þ.m.t. um tímafresti til birtingar uppgjöra, enda hafi skuldabréfin verið tekin til viðskipta. Fram að þeim tíma að skuldabréfin verða tekin til viðskipta skal útgefandi



senda skuldabréfaeigendum útreikninga sína, sem og eftirlitsaðila, með bréfpósti eða rafrænum pósti þar sem útgefandi staðfestir móttöku.

- h) **Fjárhæð tryggingarbréfa:** Uppreiknuð tryggingarbréf veðandlagsins að viðbættum veðsettum innstæðum á móti uppreiknuðum skuldum sem veðandlagið tryggir að frátöldum skuldabréfum í eigu útgefanda, skal ekki vera lægra en 105%. Til úrbóta á þessum lið getur útgefandi ávallt bætt við tryggingarbréfum til að hlutfallið standist fyrrgreint skilyrði, sé slíkt innan tryggingaskilyrða veðandlagsins. Gengið skal frá veðsetningu á grundvelli skilmála sem veðgæsluaðili samþykkir, en hann hefur umsjón með þinglýsingu og móttöku frumrita nýrra tryggingarskjala.
- i) **Veðgæsluaðili og eftirlitsaðili:** Á hverjum tíma skal alltaf vera í gildi samningur við veðgæsluaðila og eftirlitsaðila. Þeir skulu ávallt vera starfandi á líftíma skuldabréfanna. Einn og sami veðgæsluaðili skal starfa fyrir allt veðandlagið. Ákvæði skilmála skuldabréfaflokks þessa varðandi veðgæsluaðila, þ.m.t. varðandi skipun hans, hlutverk og heimildir skulu efnislega vera sambærileg í öllum skuldaskjölunum.
- j) **Breytingar á veðandlaginu:** Engar breytingar á veðandlaginu er heimilt að gera nema þær séu sérstaklega heimilar samkvæmt skilmálum skuldabréfaflokksins.
- k) **Arðgreiðslur o.fl.:** Útgefanda er ekki heimilt að greiða arð, kaupa eigin hlutabréf eða lækka hlutafé með greiðslu til hluthafa nema slíkt sé sérstaklega heimilt samkvæmt skilmálum skuldabréfaflokksins.
- l) **Viðskipti við tengda aðila:** Öll viðskipti við tengda aðila í skilningi 3. gr. laga um gjaldþrotaskipti skulu fara fram á armslengdarkjörum líkt og um ótengda aðila sé að ræða. Með viðskiptum er átt við hvers konar viðskipti eða samninga, þ.m.t. kaup á eignum milli aðila, leigusamninga á milli aðila, samninga um þjónustukaup o.s.frv.

#### 2.3.4. Skipulag greiðslna og áætlað sjóðstreymi útgefanda

Útgefandi sér sjálfur um reikningagerð og innheimtu vegna leigugreiðslna, þ.m.t. útsendingu greiðsluseðla. Leigugreiðslur vegna fasteigna veðandlagsins eru greiddar af leigutökum inn á veltureikning útgefanda hjá viðskiptabanka hans í samræmi við gjalddaga og skilmála hvers leigusamnings fyrir sig, oftast mánaðarlega. Það er mat útgefanda að samanlögð fjárhæð þeirra leigutekna sem hann hefur af fasteignum veðandlagsins sé nægilega há til að draga verulega úr hættu á greiðslufalli vegna afborgana og vaxtagreiðslna í tengslum við skuldabréfaflokkinn. Í þessu samhengi er bent á að félagið er einnig með bankalán sem tryggð eru með sama veðandlagi. Útgefandi hefur að öðru leyti ekki gert neinar sérstakar ráðstafanir til að mæta slíkri áhættu. Vænt fjárflæði eigna í veðandlagi á árinu 2022 má sjá í töflu 1 hér að neðan.

Hreint fjárflæði frá eignum í veðandlagi pr.ár	1.576 m.kr.
Áætluð árleg greiðsla vaxta af skuldaskjölum tryggðum með veðandlaginu	497 m.kr.
Áætluð árleg greiðsla afborgana af skuldaskjölum tryggðum með veðandlaginu	585 m.kr.

Tafla 1: Vænt fjárflæði eigna í veðandlagi á árinu 2022

Útgefandi hefur markað sér stefnu um að eiga á hverjum tíma nægt laust fé til að mæta tímabundnum sveiflum í rekstri gerist þess þörf. Útgefandi ber ábyrgð á því að eiga nægilegt laust fé til að greiða af skuldabréfunum á gjalddaga.

Útgefanda er frjálst að ráðstafa leigutekjum af fasteignum veðandlagsins eins og honum sýnist að þjóni best markmiðum félagsins frá einum gjalddaga til þess næsta að því gefnu að öll skilyrði bréfanna séu uppfyllt. Útgefanda er óheimilt að veðsetja leigutekjur af fasteignum veðandlagsins. Útgefandi hefur ekki markað sér neina sérstaka stefnu um ávöxtun lausafjár.

Útgefandi skuldbindur sig til þess að hlíta ákveðnum fjárhagslegum skilyrðum sem taka mið af rekstri og efnahag samstæðunnar. Nánar er fjallað um þessi skilyrði í kafla 2.3.3 *Sérstök skilyrði skuldabréfaflokksins ITHAKA 070627* í verðbréfalýsingu þessari.

Útgefandi mun með milligöngu verðbréfamiðstöðvar greiða af skuldabréfunum höfuðstól, vexti og verðbætur á gjalddaga til þeirra reikningsstofnana þar sem skráðir eigendur skuldabréfanna eiga vörslureikning. Viðkomandi reikningsstofnun annast endanlegar greiðslur inn á reikninga eigenda.

### 2.3.5. Önnur lánsfjármögnun útgefanda

Að skuldabréfaflokki ITHAKA 070627 undanskildum er einn skuldabréfaflokkur útistandandi útgefinn af Íþöku, ITHAKA 291128 sem tekinn verður til viðskipta á skipulegum markaði samhliða ITHAKA 070627. Þess utan eru skuldir Íþöku við lánastofnarnir að fjárhæð 11.984 m.kr. m.v. 31.12.2021, þar af eru 1.190 m.kr. í EUR og 595 m.kr. í USD. Af bankalánsfjármögnun félagsins eru 10.809 m.kr. m.v. 31.12.2021 tryggð með sama veðandlagi og skuldabréfaflokkurinn ITHAKA 070627 (*pari passu*). Þá er skuldabréfaflokkurinn ITHAKA 291128 einnig tryggður með sama veðandlagi sem er nánar skilgreint í kafla 3 *Veðandlagið* í verðbréfalýsingu þessari.

### 2.3.6. Vextir og hlunnindi

Skuldabréfin bera 1,717% fasta vexti. Vextir fram til lokagjalddaga greiðast 12 sinnum á ári, þann 7. hvers mánaðar („gjalddagar“). Á lokagjalddaga greiðast eftirstöðvar höfuðstóls skuldabréfsins í einni greiðslu ásamt þeim vöxtum sem fallið hafa á frá gjalddaga síðustu vaxtagreiðslu.

Skuldabréfin eru verðtryggð. Engin hlunnindi eru tengd skuldabréfunum. Sala skuldabréfa sem fram fór í maí 2022 var gerð á ávöxtunarkröfunni 1,73%..

Kröfur samkvæmt skuldabréfunum fýrnast nema að krafa um greiðslu þeirra komi fram innan 10 ára (greiðslur af höfuðstól) og 4 ára (vaxtagreiðslur) frá gjalddaga skv. 3. gr. laga um fyrningu kröfuréttinda nr. 150/2007.

### 2.3.7. Lagarammi

Útgáfa þessi lýtur viðeigandi íslenskum lögum svo sem þau eru við staðfestingu lýsingar þessarar. Skuldabréfin eru verðbréf og um þau gilda lög nr. 115/2021 um markaði fyrir fjármálagerninga. Um þau gilda jafnframt tilskipun frá 9. febrúar 1798 um áritun afborgana á skuldabréf, sbr. lög nr. 7/2020 um verðbréfamiðstöðvar, uppgjör og rafræna eignarskráningu fjármálagerninga, lög nr. 14/2020 um lýsingu verðbréfa sem boðin eru í almennu útboði eða tekin til viðskipta á skipulegum markaði sem og óskráðar reglur íslensks réttar um viðskiptabréf, auk annarra almennra reglna íslensks samninga- og kröfuréttar.

Rísi mál út af skuldabréfunum má reka þau fyrir Héraðsdómi Reykjavíkur skv. ákvæðum XVII kafla laga nr. 91/1991 um meðferð einkamála.

### 2.3.8. Skattheimta

Skráð skrifstofa útgefanda er á Íslandi og þar er einnig óskað eftir töku skuldabréfanna til viðskipta. Fer um skattalega meðferð skuldabréfanna samkvæmt íslenskri skattalöggjöf á hverjum tíma. Útgefandi mun ekki draga staðgreiðslu af vaxtatekjum skuldabréfanna og ábyrgist ekki að

staðgreiðsluskatti sé haldið eftir sbr. 1. mgr. 3. gr. laga nr. 94/1996, um staðgreiðslu skatts á fjármagnstekjur. Skuldabréfaeigendur bera sjálfir ábyrgð á staðgreiðslu fjármagnstekna sinna af skuldabréfunum. Reikningsstofnanir sem varsla skuldabréfin fyrir skuldabréfaeigendur annast útreikning og staðgreiðslu af vaxtatekjum skuldabréfanna.

Mælt er með því að fjárfesta kynni sér íslenska og eftir atvikum erlenda skattalöggjöf og athugi að breytingar kunna að verða á lögum. Fjárfestum er ráðlagt að leita ráðgjafar frá þriðja aðila varðandi skattalegar afleiðingar þess að fjárfesta í skuldabréfum. Skuldabréfin eru ekki stimpilskyld sbr. ákvæði laga nr. 138/2013.

## 2.4. Taka skuldabréfanna til viðskipta á skipulegum verðbréfamarkaði

Sótt verður um að skuldabréfin verði tekin til viðskipta á skipulegum markaði Nasdaq Iceland. Verði umsóknin samþykkt er stefnt að töku allra útgefna skuldabréfa í flokknum til viðskipta í ágúst 2022. Auðkenni skuldabréfaflokksins í viðskiptakerfi Nasdaq Iceland verður ITHAKA 070627.

Fyrirtækjaráðgjöf Íslandsbanka hf., kt. 491008-0160, Hagasmára 3, 201 Kópavogi, hefur umsjón með töku skuldabréfanna til viðskipta á skipulegum markaði Nasdaq Iceland fyrir hönd útgefanda, sjá nánar kafla 4.1 *Umsjónaraðili útgáfunnar og töku skuldabréfanna til viðskipta í verðbréfalýsingu* þessari.

### 2.4.1. Kostnaður vegna töku til viðskipta

Heildarkostnaður áætlaður við útgáfuna og töku skuldabréfanna til viðskipta er kr. 9.238.000. Kostnaðurinn samanstendur af skráningargjaldi Nasdaq Iceland vegna töku bréfanna til viðskipta, þóknun skv. gjaldskrá verðbréfamiðstöðvar vegna rafrænnar skráningar bréfanna, kostnaði vegna yfirferðar og staðfestingar lýsingar hjá Fjármálaeftirliti Seðlabanka Íslands og þóknun til Íslandsbanka hf. vegna umsjónar með sölu bréfanna og gerð lýsingar. Útgefandi ber ábyrgð á kostnaði vegna töku til viðskipta.

### 2.4.2. Tilgangur með töku skuldabréfanna til viðskipta

Markmiðið með því að fá skuldabréfin tekin til viðskipta á skipulegum markaði Nasdaq Iceland er að stuðla að auknum seljanleika og virkari verðmyndun skuldabréfanna, auk þess að tryggja fjárfestum að starfshættir og upplýsingagjöf um meðal annars fjárhagsstöðu útgefanda séu í samræmi við Reglur fyrir útgefendur fjármálagerninga, útgefna af Nasdaq Iceland.

### 3. Veðandlagið

Allar eignir í veðandlagi skuldabréfanna eru atvinnuhúsnæði í útleigu og mynda þannig rekstrartekjur. Leigutekjur sem útgefandi hefur af eignunum verða nýttar til að standa straum af greiðslum vegna skuldabréfanna. Allar eignir eru tryggðar lögbundnum húseiganda- og brunatryggingum. Meðal laga sem félaginu ber að fylgja vegna eignanna eru lög nr. 36/1994 um húsaleigu, lög nr. 26/1994 um fjöleignarhús, lög nr. 75/2000 um brunavarnir, lög nr. 160/2010 um mannvirki og skipulagslög nr. 123/2010.

Um er að ræða sama veðandlag og vegna fimm lánssamninga frá Íslandsbanka hf., kt. 491008-0160, þrjú dagsettir 15. nóvember 2019 að upphaflegum fjárhæðum kr. 3.000.000.000, EUR 9.000.000 og USD 5.000.000 og tveir dagsettir 29. janúar 2021, kr. 3.600.000.000 og kr. 1.000.000.000 auk bankaábyrgðar frá Íslandsbanka hf., kt. 491008-0160, að fjárhæð kr. 27.000.000 og yfirdráttarheimild allt að kr. 300.000.000 hjá Íslandsbanka hf., (hér eftir sameiginlega nefnd „skuldaskjölin“).

Fasteignir félagsins sem mynda veðandlag skuldabréfaflokksins má sjá í eftirfarandi töflu<sup>14</sup>:

Heimilisfang	Fastanúmer	Bókfært virði 31.12.2021, m.kr.	
Dórunnartún 1, 105 Reykjavík		231-5902	8.429
Katrínartún 4, 105 Reykjavík		235-7345	6.179
Lyngháls 4, 110 Reykjavík		225-1532	3.927
Dragháls 18-26 og Fossháls 17-25, 110 Reykjavík	204-4170, 236-8786, 236-8787, 236-8788, 236-8789, 236-8784, 236-8785		2.981
Grjótháls 5, 110 Reykjavík		204-4159	2.092
Norðlingabraut 12, 110 Reykjavík <sup>15</sup>		229-6075	1.325
Ármúli 23, 108 Reykjavík	201-2770, 224-0223		242
Vagnhöfði 5, 110 Reykjavík		204-3107	178
Engjateigur 3, 105 Reykjavík		223-7750	119
<b>Samtals</b>			<b>25.473</b>

Tafla 2: Fasteignir veðandlagsins

Samantekt tryggingarstöðu skuldaskjala tryggðum með veðandlaginu að framangreindu virtu má sjá í töflu 3:

<sup>14</sup> Að auki er til staðar leigueign á bókum félagsins tengd innleiðingu á IFRS 16 vegna lóðaleiguréttinda útgefanda við sveitarfélag, samtals að fjárhæð 695 m.kr. Vakin er athygli á því að samhliða innleiðingu fyrrgreinds reikningsskilastaðals færast leiguskuldbinding á efnahag útgefanda, vegna skuldbindinga um greiðslu á lóðaleigu. Þá er einnig vakin athygli á því að leiguréttindi og leiguskuldbinding eru tengd hverri fasteign fyrir sig.

<sup>15</sup> Í farvatninu er stækkun Norðlingabrautar 12 og eru viðræður í gangi við leigjandann, Reykjavíkurborg, um þá viðbót ásamt framlengingu húsaleigusamnings aðilanna.

	Fjárhæð í m.kr.
Bókfært virði veðandlags	26.168
Uppreiknuð fjárhæð tryggingabréfa	26.815
Eftirstöðvar skuldaskjala tryggðum með veðandlaginu	16.819
Veðsetningarhlutfall veðandlags	66%
Tryggingabréf/skuldaskjöl	1,6

Tafla 3: Samantekt tryggingarstöðu m.v. 31.12.2021

### 3.1. Leigutakar og leigusamningar

Í gildi eru alls 50 leigusamningar vegna þeirra fasteigna sem mynda veðandlag skuldabréfanna. Leiga er innheimt mánaðarlega. Leigusamningarnir eru skriflegir og flestir tímabundnir. Tímabundnu samningarnir eru fjölbreyttir að lengd, allt frá því að vera til 9 mánuðum og upp í að vera til tæplega 15 ára. Nokkrir samninganna eru ótímabundnir og eru slíkir samningar að öllu jöfnu með þriggja eða sex mánaða uppsagnarákvæði. Í flestum tilfellum leggja leigutakar fram tryggingar í formi bankaábyrgðar sem samsvarar leigugreiðslum í að a.m.k. þrjá mánuði, fyrir vangoldinni leigu og sameiginlegum kostnaði. Flestir leigusamningar, eða þeir samningar sem samanlagt mynda yfir 56% af leigutekjum eigna í veðandlaginu, fylgja þróun vísitölu neysluverðs eða vísitölu neysluverðs til verðtryggingar. Aðrir fylgja byggingarvísitölu eða eru greiddir í erlendum gjaldmiðlum.

Á dagsetningu lýsingar þessarar eru alls 3 leiguleiningar útleigðar í þeim fasteignum er mynda veðandlagið. Þetta þýðir að virðisútleiguhlutfall veðandlagsins er um 99%. Með virðisútleiguhlutfalli er átt við hlutfall þess húsnæðis í leigu sem er í leiguhæfu ástandi miðað við leigufjárhæðir en ekki miðað við fermetra.

Allar leigutekjur félagsins vegna eigna í veðandlaginu myndast á höfuðborgarsvæðinu. Þá eru 39% af leigutekjum í pósthúsnúmeri 110, 1% í pósthúsnúmeri 108 og 60% í pósthúsnúmeri 105.

Skiptingu fasteigna sem mynda veðandlagið eftir eðli þeirrar starfsemi sem í þeim er rekin má sjá í töflu 4. Tafla 5 sýnir skiptingu leigutekna eftir lengd þeirra.

Atvinnurekstur	Hlutfall
Verslunarhúsnæði	2%
Skrifstofuhúsnæði	57%
Hótel	28%
Lagerhúsnæði	3%
Veitingahúsnæði	1%
Annað	9%

Tafla 4: Skipting leigutekna eftir atvinnurekstri

Atvinnurekstur	Hlutfall
0-3 ár	10%
3-7 ár	31%
7-10 ár	5%
10-15 ár	54%
Lengri en 15 ár	0%

Tafla 5: Skipting leigusamninga eftir lengd leigutíma

Tekjuveginn meðallíftími leigusamninga<sup>16</sup> um þær eignir sem mynda veðandlag skuldabréfaflokksins, án uppsagnarheimilda, er 9,3 ár m.v. dagsetningu lýsingar þessarar. Ótímabundnir leigusamningar sem telja 5,8% af heildinni eru ekki reiknaðir með í meðallíftímann.

Starfsemi leigutaka er fjölbreytt. Útgefandi hyggst ekki birta sérstakar tilkynningar um bókfært virði þeirra fjárfestingareigna sem mynda veðandlagið í framtíðinni að öðru leyti en því sem fram mun koma í árs- og árshlutareikningum útgefanda.

### 3.2. Aðilar útgáfunnar

Íþaka fasteignir ehf. er útgefandi skuldabréfanna og er eigandi hinna undirliggjandi eigna sem mynda veðandlag skuldabréfaflokksins. Útgefandi mun annast útreikninga og greiðslur af höfuðstól, vöxtum og verðbótum vegna skuldabréfanna með milligöngu verðbréfamiðstöðvar.

Íslandsbanki er viðskiptabanki Íþöku og er umsjónaraðili töku skuldabréfa félagsins með auðkenninu ITHAKA 070627 til viðskipta á skipulegum markaði Nasdaq Iceland, og sá um útgáfu og uppgjör viðskiptanna.

Ernst og Young (EY) er ráðgjafafyrirtæki sem m.a. hefur með höndum endurskoðun, reikningsskil og ýmiss konar ráðgjöf. EY er eftirlitsaðili vegna skuldabréfaflokksins. Eftirlitsaðili hefur m.a. það hlutverk að staðfesta og kanna sjálfstætt útreikninga útgefanda á sérstökum skilyrðum skuldabréfaflokksins svo sem um getur í kafla 2.3.2 *Skilmálar skuldabréfsins* í verðbréfalýsingu þessari þar sem nánar má lesa um hlutverk eftirlitsaðila.

Lex er lögmannsstofa og sinnir hlutverki veðgæsluaðila vegna skuldabréfaflokksins. Veðgæsluaðili hefur m.a. það hlutverk að varðveita frumrit þinglýstra tryggingarbréfa þeirra sem standa til tryggingar skuldabréfaflokksnum. Enn fremur sér veðgæsluaðilinn um að taka við frumritum nýrra tryggingarbréfa og, eftir atvikum, afléttingu tryggingarbréfa. Nánar má lesa um hlutverk veðgæsluaðila í kafla 2.3.2 *Skilmálar skuldabréfsins* í verðbréfalýsingu þessari.

<sup>16</sup> Við skoðun á tímalengd samninga, eins og í töflu 5, er mikilvægt að hafa í huga virði hvers samnings. Þannig er mögulegt að hafa marga stutta samninga þar sem virði hvers og eins í krónum talið er e.t.v. ekki mikill í samanburði við einhvern einn samning sem e.t.v. skilar margföldum tekjum hina mörgu styttri. Þannig er því mikilvægt að horfa á tekjuveginn meðaltíma leigusamninga sem mikilvægari mælikvarða en mælikvarði á fjölda/lengd leigusamninga.

## 4. Tilkynning til fjárfesta

Lýsing útgefanda, dagsett 9. ágúst 2022, varðar umsókn útgefanda um töku skuldabréfaflokksins ITHAKA 070627 til viðskipta á skipulegum markaði Nasdaq Iceland hf.

Verðbréfalýsing þessi er gerð í samræmi við lög nr. 14/2020, um lýsingu verðbréfa sem boðin eru í almennu útboði eða tekin til viðskipta á skipulegum markaði og reglugerð nr. 274/2020 um framselda reglugerð framkvæmdastjórnarinnar (ESB) 2019/980 um viðbætur við reglugerð Evrópuþingsins og ráðsins (ESB) 2017/1129, að því er varðar sniðmát, efni, athugun og staðfestingu lýsinga sem birta skal þegar verðbréf eru boðin í almennu útboði eða tekin til viðskipta á skipulegum markaði. Verðbréfalýsing þessi fylgir ákvæðum um upplýsingagjöf í lýsingum skv. viðauka 15 í framseldri reglugerð (ESB) nr. 2019/980.

Lýsingin er útbúin af Íslandsbanka og byggir alfarið á gögnum frá félaginu og stjórnendum þess. Lýsingin samanstendur af tveimur sjálfstæðum skjölum: Útgefandalýsingu dagsettri 9. ágúst 2022 og verðbréfalýsingu þessari, dagsett 9. ágúst 2022. Aðgengi að lýsingunni verður tryggt í 10 ár eftir birtingu hennar á vefsetri útgefanda <https://www.ithaka.is/>. Fjárfestar geta einnig óskað eftir eintaki af lýsingunni á prentuðu formi á skrifstofu félagsins.

Fjárfestar ættu ætíð að byggja ákvörðun sína um fjárfestingu í skuldabréfaflokknum á eigin skoðun eða óháðri ráðgjöf sem þeir telja viðeigandi. Fjárfestar eru hvattir til að kynna sér vel skuldabréfaflokkinn og alla skilmála hans áður en ákvörðun er tekin um að fjárfesta í skuldabréfunum. Fjárfestar eru enn fremur hvattir til að kynna sér vel innihald kafla 1 *Áhættuþættir* í verðbréfalýsingu þessari sem og kafla 1 *Áhættuþættir* í útgefandalýsingu Íþöku dagsettri 9. ágúst 2022.

Fjárfestar verða sjálfir að taka ákvörðun um hvort fjárfesting í bréfunum sé góður kostur fyrir þá. Fjárfestum er einkum bent á að huga að eftirfarandi þáttum:

- a) Fjárfestar þurfa að búa yfir nægjanlegri þekkingu og reynslu til að meta virði skuldabréfanna og lausafjárstöðu útgefanda með fullnægjandi hætti. Fjárfestar verða að gera sér grein fyrir áhættunni sem fylgir fjárfestingum í skuldabréfunum og hafa kynnt sér rækilega innihald lýsingarinnar og eftir atvikum annars efnis um útgefanda.
- b) Fjárfestar verða að vera færir um að meta með fullnægjandi hætti áhrif fjárfestingar í skuldabréfunum á eigin eigna- og fjárhagsstöðu. Fjárfestar verða að búa yfir nægilegri fjárfestingargetu og lausafé til að bera áhættuna sem fylgir kaupum á skuldabréfunum.
- c) Fjárfestar verða að kynna sér og skilja skilmála skuldabréfanna og vera kunnugir eðli fjármagnsmarkaða. Fjárfestar verða að vera færir um að meta, ýmist sjálfir eða með hjálp ráðgjafa, hvaða áhrif sveiflur í rekstri útgefanda, breytingar á vaxtastigi eða aðrir sambærilegir þættir geta haft á fjárfestingar í skuldabréfunum.
- d) Fjárfestum er ráðlagt að skoða lagalega stöðu sína og þau skattalegu áhrif sem kaup á skuldabréfunum útgefnum af útgefanda kunna að hafa og leita óháðrar ráðgjafar í því tilliti.

Verðbréfalýsingu þessa eða önnur skjöl sem eru hluti af verðbréfalýsingunni skal hvorki senda í pósti né dreifa á einn eða annan hátt til landa þar sem dreifing myndi krefjast viðbótarskráningarferlis eða aðgerða annarra en þeirra sem heyra undir íslensk lög og reglur, eða ef slík dreifing greinir á við lög eða reglur viðeigandi landa. Verðbréfalýsingu þessa eða önnur skjöl sem eru hluti af verðbréfalýsingunni skal þannig meðal annars hvorki senda í pósti né dreifa á einn eða annan hátt til eða innan Bandaríkjanna, Ástralíu, Kanada eða Japans. Hvorki Íslandsbanki sem umsjónaraðili né útgefandi eru skaðabótaskyldir vegna dreifingar á lýsingunni til þriðja aðila í þeim lögsögum sem að framan greinir.

## 4.1. Umsjónaraðili útgáfunnar og töku skuldabréfanna til viðskipta

Umsjónaraðili töku skuldabréfanna til viðskipta á skipulegum markaði Nasdaq Iceland er fyrirtækjaráðgjöf Íslandsbanka hf., kt. 491008-0160, Hagasmára 3, 201 Kópavogi (hér eftir „umsjónaraðili“ eða „Íslandsbanki“) Fyrirtækjaráðgjöf Íslandsbanka var ráðgjafi félagsins og umsjónaraðili með sölu skuldabréfanna.

Fyrirtækjaráðgjöf Íslandsbanka hefur jafnframt verið með umsjón við gerð lýsingar útgefanda dagsettrar 9. ágúst, vegna töku skuldabréfaflokksins til viðskipta á skipulegum markaði Nasdaq Iceland. Lýsingarnar eru byggðar á upplýsingum frá útgefanda.

Íslandsbanki þiggur þóknun fyrir aðkomu sína að þessum verkefnum. Samskiptaupplýsingar Íslandsbanka eru: fyrirtækjaradgjof@islandsbanki.is og LEI auðkenni er 549300PZMFIQR79QOT97.

## 4.2. Hugsanlegir hagsmunaárekstrar

Vakin er athygli á eftirfarandi mögulegum hagsmunaárekstrum milli stjórnar og félagsins. Stjórnarmaðurinn Pétur Freyr Pétursson er nákominn aðili Péturs Guðmundssonar, sem er endanlegur eigandi félagsins. Þá er stjórnarformaður félagsins Björn Ingi Victorsson jafnframt forstjóri Steypustöðvarinnar sem er að stærstum hluta í eigu dótturfélags Mókolls ehf. og þar með Péturs Guðmundssonar. Varastjórnarmaðurinn Guðrún Pétursdóttir er nákominn aðili Péturs Guðmundssonar, sem er endanlegur eigandi félagsins.

Þá er athygli vakin á eftirfarandi hagsmunum Íslandsbanka vegna íþöku:

- Íslandsbanki hefur verið ráðgjafi félagsins og umsjónaraðili með sölu skuldabréfanna og gerð lýsingar vegna töku skuldabréfanna til viðskipta. Íslandsbanki þiggur þóknun fyrir störf sín fyrir útgefanda.
- Íslandsbanki er viðskiptabanki útgefanda.
- Íslandsbanki er meðal lánardrottna útgefanda.

## 4.3. Upplýsingar frá þriðja aðila

Upplýsingar um vísitölu neysluverðs eru fengnar frá Hagstofu Íslands. Upplýsingar frá Hagstofunni eru opinber gögn. Útgefandi staðfestir, að því marki sem félaginu er unnt og kunnugt um, að þær upplýsingar sem það styðst við frá Hagstofunni eru rétt eftir hafðar og að engum staðreyndum er sleppt sem geri upplýsingarnar ónákvæmar eða villandi. Upplýsingarnar voru fengnar af vef Hagstofunnar, <http://www.hagstofan.is>.

## 4.4. Ástæða útgáfunnar og ráðstöfun andvirðis hennar

Söluandvirði útgáfunnar var alls kr. 3.040.000.000-, og nettósöluandvirði, að teknu tilliti til kostnaðar, er áætlað kr. 3.030.762.000-. Andvirði skuldabréfaflokksins var nýtt til endurfjármögnunar á hluta af skuldum félagsins.

## 4.5. Staðfesting af hálfu Fjármálaeftirlits Seðlabanka Íslands

Verðbréfalýsing þessi hefur verið staðfest af Fjármálaeftirliti Seðlabanka Íslands (hér eftir „Fjármálaeftirlitið“), sem er lögbært yfirvald samkvæmt lögum um lýsingu verðbréfa sem boðin eru á almennu útboði eða tekin til viðskipta á skipulegum markaði nr. 14/2020 og reglugerð ESB 2017/1129. Fjármálaeftirlitið staðfestir verðbréfalýsingu þessa í þeim skilningi að hún uppfyllir kröfur um að vera



fullnægjandi, skiljanleg og samkvæm sem kveðið er á um í reglugerð ESB 2017/1129. Ekki ber að líta á slíka staðfestingu sem staðfestingu á gæðum verðbréfanna sem viðkomandi verðbréfalýsing varðar, og fjárfestar skuli meta sjálfir hvort þeim henti að fjárfesta í verðbréfunum.

#### 4.6. Yfirlýsing ábyrgðaraðila verðbréfalýsingar fyrir hönd útgefanda

Fyrir hönd útgefanda lýsa undirritaðir, stjórnarformaður og framkvæmdastjóri Íþöku fasteigna ehf., kt. 450613-2580, Lynghálslí 4, 110 Reykjavík, því yfir að samkvæmt þeirra bestu vitund eru upplýsingarnar sem verðbréfalýsingin hefur að geyma í samræmi við staðreyndir og að engum upplýsingum er sleppt sem gætu haft áhrif á áreiðanleika hennar.

Reykjavík, 9. ágúst 2022

F.h. Íþöku fasteigna ehf.

---

Gunnar Valur Gíslason,  
Framkvæmdastjóri Íþöku fasteigna ehf.

---

Björn Ingi Victorsson,  
Stjórnarformaður Íþöku fasteigna ehf.